

「國家社會科學基金重大項目」

何建明 主編

中國地方志
佛道教文獻匯纂

人物卷

(77)

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（77）



國家圖書館出版社

中國地方志佛道教文獻匯纂·人物卷
江西省 撫州市

南豐縣志

包發鸞修 趙惟仁等纂

民國十年（一九二一）修

十三年（一九二四）鉛印本

南豐縣志卷之三十六

仙釋傳

漢

垂壺先生不知何代人委蛻紫霄觀之仙人巖巖嶄絕人所不到有羽士峻梯陟其巔見一木榱堅墨如沈檀久而不壞又有

石函貯七星劍等物云

州志

晉

浮邱伯晉時得道浮邱山王裒郭似共師之他日出山約於江

南豐縣志

南絕頂會聚王郭相遇於南豐孤荷橋已同尋師不得乃歲一會於華蓋山玉亭館復同飛馭至軍山居焉今遠近禱祀日恆

數百人 名勝志

唐

甘凝晚唐人世居浙之丹陽舉進士不就入三茅山修真煉形爲方外之術既乃挈家游江南卜宅軍峯下闢荒榛爲良田賑貧恤孤皇皇然以濟人爲心歲當旱暵能驅役風雷其法以破竹爲圓畫地爲壇各置其方令童男女轉之隨所轉而雷聲發

已乃大雨或久雨妨穫則爲丹書焚之立霽有疾者爲篆符使服之無不愈其逝之日雷風大作召家人來前曰後四十年當有聖人出天下復平汝等無忘忠孝必有大吾門者言畢沐浴正衣冠而化既而里人有遇之旁郡者始知其尸解至今土人祀之水旱疾疫禱輒應宋李曰之則曰晉曰開曰希聖明代曰霖曰來擢科第躋膺仕皆其後也

州志

南唐

張洞宣貴溪人漢道陵十八世孫精通道術昇元初自龍虎山

來南豐石仙巖巖爲軍山神所棲洞宣聚石爲壇作石室方廣二十丈修煉其中宛然洞天也先是巖前飛石擲人人不敢近洞宣篆符於石壁上患頓息後委蛻葬於山腹

名勝志

州志

宋

魏元吉通經史能詩未冠時白父母欲求長生術遂披褐蹠履游名山至南豐元貞觀全神葆真風聞遠邇南唐召至金陵紫極宮講道德黃庭經宋眞宗時應召入玉清昭應宮焚修久之乞歸居妙靈觀年九十一謂其徒曰吾已奉帝命召爲仙官翼

日當往厥明留頌曰去來無蹤跡大塊一飛塵遂解化著慕真

秘要山居詩百篇

州志

冷眞人太宗時寄跡石仙巖縣尉王博文與之往還一日詣王

別云欲有所往乃叱巖前樟樹使開坐化其中時咸平辛丑歲

也治平中樹穴復合縣官斲而視之其貌如生寶祐癸丑風雷

拔樹仆地軀尙儼然

名勝志

杜永期字子安師事游惟謬得道居石仙巖宋神宗時選天下

術士三十人永期與焉勅住中太乙宮賜號崇教嘗召入禁中

南豐縣志

遣中使以高麗貢木癭樽盛御酒賜之後乞歸舊山買舟而下

王介甫曾子固蔡元輔皆贈以詩

州志

王文卿字安道號冲和子母夢赤蛇蟠於庭紫雲上覆因蹠其首蛇奮起化黑雲騰空起覺而有娠元祐二年二月五日生文卿於縣東神龜岡幼卓異不凡事親以孝聞嘗告其父有方外之志父歿辭母遠遊將渡楊子江行樹澤中雨暝失路見燈前明就之有一老嫗若逆旅得書數卷乃致雷電効鬼神之說天明乃息大樹下初無逆旅渡江遇異人舟中神宇超逸前禮之

叩其姓名答曰吾乃玉府火師也吾身一天地天地一陰陽握其機者在我而已子當以是應玄微佐明主他日俟子於神霄玉清之天出絳囊秘文以授竟失所在已而還軍峯密修大洞迴風合景之道以道法濟人甚驗皇叔祖廉訪淮南臥疾文卿愈之聞於朝詔眞州守臣賈公望以禮聘之不赴復詔道錄董冲元同監司守臣厚禮之乃行時徽宗崇尚道教賜見問對稱旨拜玉府右極仙卿寵賚益厚固辭不受適宮人疾詔劾崇禁中有驗俄雷震白龜一京城有狐鯉爲妖奉詔劾之狐鯉皆雷

擊死上飲之酒拜太素大夫凝神殿校籍父肇贈承事郎母江氏贈宜人是年冬將有事於明堂苦雨命禱之立霽拜金門羽客自校籍升侍宸賜號冲虛通妙先生加贈父曰承議郎母曰令人淮南北以無雪奏上憂麥仍命以禱遂大雪盜起山東累遣師不利上召見便殿問之對曰請醮於內庭命神力助討他日獻捷者言交戰之頃天大雷雹乃潰上歸功於侍宸轉冲虛大夫揚州旱命禱雨對曰下民積罪凡川澤悉禁惟黃河可借三尺遂仗劍禱之數日揚州奏得雨皆泥潦上悅侍宸豫知天

運數請修政練兵上不納遂請歸上繪其像親爲之贊抵鄉惟
怡情山水居郡城元妙觀道行益高鄉里無水旱疾疫兵革之
事高宗南渡聞文卿猶在屢徵弗起紹興二十三年自持法書
劍印入軍峯石室藏之曰已敕山神守護後有道者當自得之
八月二十三日爲酒食召鄉里飲別自題其棺曰此身非假松
板非眞牢寵俗眼跳出凡塵擲筆臥棺中是夕雷電交作葬神
龜岡舉棺甚輕蓋尸解云次年有人自龍虎山至言上元黃籙
道場文卿住三日方去里人符行中自蜀還亦言道遇文卿人

南豐縣志

蜀至今元妙觀神龜岡皆祀之祈禱雨暘皆靈異

謝氏女者姑嫂也嫂爲南豐楊氏嫁南城謝氏花燭之夕婿

與家人不見其形惟小姑見之嫂謂姑曰姑宜出我將去矣問

何之曰仙姑喜曰盍偕我遂俱從窗隙出家人物色之則嫂蟬

蛻北湖姑蟬蛻南湖矣里人置像二山歲旱祈禱輒應

饒循文
山記

王嗣文文卿從孫也家貧從商人入蜀親見文卿於道中弗識

也執手江濤多所傳授命以名曰嗣文令翼日渡江會某觀中

至則無人惟文卿畫像蓋侍宸祠也明日又遇以幅紙與之曰

此孫至家上官甥以吾書盡授之比歸告上官弗信出其書相

示果師文卿手跡也號慟仆地遂盡以教之甯宗朝嗣文法亦

大顯賜號妙濟

虞集神龜岡碑書後

薩守堅不知何許人酷好道遇王文卿於青城山師事之盡得

神秘遊東南祈禱効治神怪過於文卿將入閩過南豐神龜岡

乃知文卿爲數十年前人

虞集神龜岡碑書後補

胡道玄鄱陽人年二十餘得王文卿之傳於神龜岡道術大顯

天曆至順間天下旱郡縣爭致之嘻笑怒罵雷雨隨至環四五

南豐縣志

百里之間所歷無不應者謁華蓋山遇虞集於黃茅謂其所作
神龜岡侍宸祠碑事有未備復爲集述之

補

毛道人南城人少不娶父母旣終遠遊三十年還家寡言笑夜
坐欠伸光自口出富家慕道者與之處終日無一言怪而問之
曰吾藜藿之腸何能陪膏粱之腹與讀書人掉書語哉慶元元
年坐亡於南豐逆旅焚化時骨連環不斷有物如錢大色白如
玉雪堅而瑩隱然通明有人影跏趺而坐

夷堅志 以上仙

唐

謝禪師天祐二年自閩中來開山於覺源化城二寺一日在覺源以兩缸相合坐化囑沙彌於七日後開缸沙彌違戒先二日開之禪師卽步入化城寺跣趺而逝塔在寺洞中

黃禪師逸其名唐末十僧自閩來今覺源東林福林之山主及唐源之大聖隨所駐錫皆有顯跡而師獨塔於五十二都崇法寺之山巔

和羅二禪師逸其名唐末偕黃禪師自閩來得道於五十二都寶石巖就蛻焉鄉人塑骨祠之巖中有二石几巖上有石鐘石

鼓前有石牛俱過眞

潘禪師名德齊宣城人唐季避亂至南豐建寺於白田里之寶
峯尋住資福南唐保大戊申撫州團練使查延輝牒補焚修癸
丑住持慧雲禪院不出山者三十餘年形如稿木善陰陽知人
禍福嘗於暑月濯足溪間有小龍數十蜿蜒足旁後示寂朱彥

銘其墓曰軍山長老

名勝志

宋

王禪師名省眞五代之季居聖容感通院事聖容觀音甚嚴嘗